

## Sakspapir

| Saksnr | Utvalg        | Type | Dato       |
|--------|---------------|------|------------|
| 005/17 | Kommunestyret | PS   | 15.02.2017 |

| Saksbehandler | Arkiv    | ArkivsakID |
|---------------|----------|------------|
| Olav Mongstad | FE - 011 | 16/412     |

### Endring av valkrinsane i Austrheim

#### Framlegg til vedtak:

Austrheim kommunestyre legg ned valkrins nr 3: Austrheim som eigen valkrins. Veljarar i Austrheim valkrins vert ført over til Årås valkrins frå og med Stortingsvalet 2017.

#### Kommunestyret - 005/17 - 15.02.2017

#### KS - behandling:

Framlegg frå Ap v/ Siri Kaland:

Valkrinsane vert oppretthalde slik dei er idag.

Framlegget frå Ap v/ Siri Kaland fekk 8 røyster (Ap) og rådmannen sitt framlegg fekk 8 røyster.

Framlegget frå Ap v/ Siri Kaland vart soleis vedteke med ordføraren si dobbelstemme.

#### KS - vedtak:

Valkrinsane vert oppretthalde slik dei er idag.

#### Saksopplysninger:

##### Bakgrunn

Austrheim har hatt tre valkrinsar ved dei siste vala:

- 1. Kaland
- 2. Årås
- 3. Austrheim

For to val sidan vart det gjort endring for garden Leikvoll som tidlegare tilhørde Austrheim valkrins. Den garden er no ein del av Årås valkrins.

Rådmannen føreslår at frå og med Stortingsvalet 2017, går Austrheim over til to valkrinsar. Austrheim valkrins vert lagt ned og lagt inn i Årås valkrins.

Ved valet i 2017 vil det bli gjort ein del andringar frå tidlegare avvikling av val. Manntalet vert no ført direkte på nettet, ikkje som tidlegare i manntalsprotokollane.

## **Vurdering**

Rådmannen ser mange føremonar ved å gå frå tre til to valkrinsar.

1. Vi kan nytta PC utstyr og det kommunale nettet som er sett opp i skulane.
2. Det er ei økonomisk innsparing ved at færre skal lønast som valmedarbeidarar.
3. Valmedarbeidarar med IT-kompetanse kan samlast i to vallokale.

Når vi nyttar manntal på nett, er det ikkje avgjerande at veljaren går i det lokalet ein høyrer til. Ein veljar frå Årås krins, kan røysta i Kaland krins, eller omvendt, og få putta røystesetelen sin i urna. Tidlegare var slike hendingar litt «byråkratiske.» Då vart stemmesetlane mottatt som fremmede stemmer og valstyret måtte ha separat oppteljing av dei. No kjem alle røystesetlane frå valkrinsane rett i urna og vert skanna i valoppteljinga.

Begge skulane er i det kommunale datanettet. Dette gjev sikker og god nettilgang for dei som skal sjekke manntalet. Når vi nyttar manntalet på nettet, er det besparande at veljaren har med seg valkortet sitt. Då kan den som sit med manntalet, skanna valkortet med ein handskannar, slik at namnet i manntalet kjem direkte fram på skjermen. Dette blir ei effektiv endring. Dersom veljaren ikkje har valkortet, kan namnet lett søkast opp i manntalet. Det vert viktig at det i kvart vallokale er medarbeidarar som har dagleg og god kompetanse i IKT. Slike medarbeidarar er det alt blant dei som vart oppnemnde ved sist val.

Negative moment ved nedlegging av valkrinsen.

Val er for mange tradisjon, annakvart år går ein til røystelokalet sitt for å avgi si stemme. Ein del veljarar vil reagere negativt på at deira vallokale ikkje lenger er ope. Dersom vi ser tilbake, ser vi at det har vore lagt ned valkrinsar i Austrheim når utviklinga naturleg tilsa det. Øyane krins vart nedlagt i si tid. No gjer behovet for å ha tekniske gode løysingar i vallokala det naturleg å leggja ned den krinsen som ikkje held til i eitt av skulebygga. Det er ikkje venta at alle synest det er utan vemod at vallokalet deira ikkje lenger er ope på valdagen.

Avstand.

Avstanden mellom vallokala på Årås og Austrheim, er 3 kilometer. Dei siste åra har og delen av veljarar som stemmer på førehand, auka monaleg. Fleire kommunar opplever at når dei legg ned eit vallokale, aukar førehandsrøystinga igjen på grunn av det.

Tidspunkt for nedlegging.

Det er ein del byråkrati rundt det å endra valkrinsane. Endringa skal inn til Kartverket innan 1. mars. Grunnen er at dette skal førast i matrikkelen, det skal inn i det sentrale valsystemet «EVA.»

Det vil bli sendt ut eige skriv til dei som får endra valkrins. Dette vart og gjort då Leikvoll vart ført over til Årås krins. Endringa vil bli kunngjort på fleire måtar fram mot valet. Det er viktig at veljarane vert godt informert om slike endringar.

### **Konklusjon**

Austrheim kommunestyre legg ned Austrheim som eigen valkrins. Veljarar i Austrheim valkrins vert ført over til Årås valkrins frå og med Stortingsvalet 2017. Frå og med stortingsvalet 2017, vil Austrheim kommune ha to valkrinsar, Kaland og Årås.